

玉精在此香火前令_且等得仙身生紫絡羽
文某家享福天下同歡侍壇玉女侍_且齋竟
言功上達

三皇神君前

右出三皇齋立成儀

无上秘要卷之四十九

无上秘要卷之五十

塗炭齋品

三

宿啓先依常朝法竟稱治職位號上啓

太上无極大道太上天道君太上老君太上

丈人无上玄老十方靈寶天尊已得道大聖

衆至真諸君丈人玄中大法師天師君上相

上宰四司五帝三界官屬一切神靈_且等蟲

蟻與穢至微至賤謬藉宿慶生值大化三洞

御運真經下世三師開度授以妙法金書玉

字神仙秘訣受法之日要當聲竭愚聾盡效

筋骨承行經旨奉宣慈澤輔佐師老弘贊幽

顯開濟一切救度天人凡有歸告不救寢塞

謹有請詞_且等案如_且辭言款事切實可哀

懇謹相薦率為承天師旨教建義塗炭露身

中壇東轍自縛散髮泥額懸頭銜髮於欄格

之下依靈寶下元大謝清齋燒香稽顙乞恩

剋以今_且月_且日於_且郡_且縣_且鄉里_且館

靈壇之上或_且家修齋清謝然燈續明照耀

諸天三日三夜各六時行道懺謝_且家億曾

萬祖父母伯叔兄弟先亡後死下及_且身无

執數劫億宗以來所行罪業謹依齋法齊到
某家沐浴清淨宿以啓聞恩惟

太上三尊十方至真玄中大法師毒神鑒映

省覽所言乞教勅靈寶衆官侍經威神三界

官屬及此間土地真官一合同心併力營衛

_且等身并_且家大小掃蕩齋所館宅内外誅

滅鬼賊降伏四魔乞_且等心安神定思念分

明天清地朗啓奏上達齋功成就无有窒礙

_且等雖復叨忝大法佩服至真既處身五濁

塵穢之中三關未調六情放誕仰賴禁戒以

自檢御輒依齋法說戒威儀使衆官主人咸

服法訓須明且晨晚依法行道續更啓聞

次智慧頌三首

智慧起本无 朗朗起十方 結空時玄霄

自然挹流芳 其妙難思議 虛感真實通

有有竟不有 无无无不无

智慧恒觀身 學道之所先 眇眇入玄肆

自然錄我神 天尊常擁護 魔王為保言

晃晃金剛軀 起超太上仙

智慧生戒根 真道戒為主 三寶由是興

高聖所崇受 泛此不死舟 儵欵濟大有
當此說戒時 諸天來稽首

右出玉清誠

次法師還東面向西說戒諸眾伏受

天尊告太上道君曰今當普宣法音開悟群

生為諸男女解灾却患請福度命拔諸苦根

使生者見道身脫八難死者歡樂飲食天堂

早生人中轉輪聖王修齋求道皆當一心請

奉十戒諦受勿忘專心默念洞思自然勿得

雜想擾亂形神能如是者便當靜聽

第一戒者心不惡妬无生陰賊檢口慎過想

念在法

第二戒者守仁不殺愍濟群生慈愛廣救潤

及一切

第三戒者守貞讓義不姪不盜常行善念損

已濟物

第四戒者不色不慾心无放蕩貞潔守慎行

无玷汚

第五戒者口无惡言言不華綺内外中直不

犯口過

第六戒者減酒節行調和氣性神不損傷无
犯眾惡

第七戒者不得嫉人勝已爭競功名妄事邀

讓退身度人

第八戒者不得評論經教訾毀聖文躬心承

法恒如對神

第九戒者不得闖亂口舌評論四輩天人各

恨損傷神氣

第十戒者舉動施為平等一心人和神榜行

常使然

天尊言修奉清戒每合天心常行大慈願為

一切普度尼世慊慊尊教不得中息寧守善

而死不為惡而生於是不退可得拔度五道

不履三惡諸天所護萬神所敬長齋奉戒自

得度世

天尊言道尊法妙人身亦貴故道開法遺戒

經文以度人人身身既度上與道同宜為精

行持齋奉戒夷心靜默志念分明一意歸向

專想不二滌蕩六腑過中不味内外清虛每

合自然是其齋日捨香啓願應聲上徹四天

司邏十部威神即下履行道觀聽法音鑒映
爾心如戒行道皆列功諸天禍福立彰道不

負人勤行諦受勿使魔言

天尊言建齋行道四天帝王皆駕飛雲綠輦

八景玉輿侍從真人玉女手把華幡前導鳳

歌後從天鈞白鶴獅子嘯歌邕邕燒香散華

浮空而來瞻禮行道觀聽法音天王下降萬

靈朝馬如是豈可不盡其法也當先受十戒

然後行道庠序雅步靜心閑意坐起卧息不

離儀格天王歡悅列名上清可謂得道方寸

之間

右出大誠經

次復爐法

香官使者左右龍虎君侍香諸靈官當今靜

室之中自然生金液丹碧芝英眾真百靈交

會在此香火之前願共受福天下蒙恩十

方金童玉女侍衛香煙傳奏所言徑御

太上无極道前

右出明真經

次奉戒頌

道為无心宗 一切作福田 立功无定主
 本願各由人 虛已應衆生 注心莫不均
 大聖私至教 亦指雨降天 高陵靡不周
 常卑故成淵 海為百川王 是能舍龍鱗
 萬劫保智用 豈但在厥年 奉戒不暫虧
 世世善結緣 精思念大衆 會當體道真

右出仙公請問經

明且相率入壇依舊禮師思神如法

次衛靈神呪

東方九炁青天明星大神煥照東鄉洞映九
 門轉燭陽光禱穢除氛開明童子備衛我軒
 收魔東妖上對帝君奉承正道赤書玉文九
 天符命攝龍驛傳普天安鎮我得飛仙
 南方丹天三炁流光熒星轉燭洞照太陽上
 有赤精開明靈童總御火兵備守三宮斬邪
 束妖剪截魔王壯帝所承風火八衝流鈴交
 煥敢有不從正道流行我事上功保天長存
 億劫无終
 西方七炁之天太白流精光耀金門洞朝太
 冥中有素皇號曰帝靈係神安鎮衛我身形

斷截邪源王道正明宮宅整肅三景齊并道
 合自然飛昇紫庭靈寶符命普惠萬生功加
 一切天地感尊

北方玄天五炁徘徊辰星煥爛光耀太微黑
 靈尊神飛玄羽衣備衛五門檢精捕非敢有

干試豁落新摧玉符所告神真八威邪門閉
 塞正道明開映照我身三光同輝策空駕浮
 舉形仙飛

中央黃中理炁總統玄真鎮星吐輝流煥九

天開光童子一十二人元氣陽精燭上朱煙
 洞照一宅及得我身百邪摧落殺鬼萬千中

山神呪普天使然五靈安鎮身飛上仙

次鳴天鼓二十四通

次發爐

无上三天真元始三炁太上老君召出日等
 身中三五功曹左右官使者左右捧香驛龍

騎吏侍香金童傳言散花玉女五帝直符直
 日香官各三十六人出出者嚴裝關啓此間

土地里域真官正神且今正爾燒香行道願
 得

太上十方正真之氣下降流入我等身中今
 且所啓速達徑御

太上无極大道至真玉皇上帝几前

祝爐畢眾官長跪鳴天鼓二十四通便出官
 啓事

謹出日等身中五體真官功曹吏出日等身
 中上三天執法開化陰陽功曹度道消災散

禍解危君吏各十二人出日等身中治職君
 吏其治中達節監功大將軍前部效功後部

效殺驛亭令驛亭丞四部監功謁者日等身
 中仙靈直使正一功曹治病功曹左右官使

者陰陽神決吏科車赤符吏剛風騎置吏驛

馬上章吏飛龍騎吏等各二人出出者嚴裝顯
 服冠帶垂纓整其威儀直使功曹戴通天之

冠衣阜統單衣正一功曹冠朱陽之情絳章
 單衣使者冠九德之冠五色壽命單衣腰帶

虎符齊執玉板直使功曹住立四方正一功
 曹住立中央治病功曹警衛日等身左右官使

者建節在前右官使者持幢在後陽神決吏
 立左陰神決吏立右上部功曹住立上方中

部功曹住立臣等身中促悉功曹催促十方
上部使者遠望上天中部使者遠瞻八方都
官使者市遠臣等身即吏虎貴察奸鉤騎都
官僕射天力士收氣食氣吏收神食神吏
收鬼食鬼吏收邪食邪吏收精食精吏收毒
食毒吏誅符破廟吏科車赤符吏剛風騎置
驛馬上章吏飛龍騎吏等屯住臣等前後左
右功曹使者嚴蒙事竟羅列函簿關啓靈寶
官屬領仙監齋君吏天師所布下二十四治
三十六靖廬七十二福地三百六十名山崑
崙等上宮三萬六千神日月星宿璇璣玉衡
天地五帝三界官屬諸君將吏及道上二玄
三元四始四面方位風氣注氣甲子諸官將
吏考召君東九夷胡老君南八蠻越老君西
六戎氐老君北五狄老君中央三秦僊老
君五嶽四瀆五沼君諸廟神祇所在高山山
川溪谷山林孟長士二漢女根源本始土地
之主社稷將吏一時嚴裝與臣等身中功曹
使者飛龍騎吏上啓
太上无極大道太上大道君太上丈人无上

玄老十方无極大道道德衆真天尊至真大
帝天帝天師君靈寶監齋大法師諸官君臣
等生長魔俗沈淪季葉既樂榮華千載慶會
謬見標拔得預大化三師盟授三寶神經供
養尊禮以求所願荷恩隆重喜懼交衿臣等
受法之日要當磨竭愚短自效毛髮奉修經
旨宣暢靈音慈心愛物開度天人謹有某郡
縣鄉里男女官生民某甲投詞列訴詣於臣
等丹心惶惶求乞平省輒爲中奏謹伏讀辭
文讀辭臣等按如詞言言款事切實可哀懇
不勝所見謹相携率承天師旨教建議塗炭
露身中壇求敬自縛散髮泥額懸頭髮於
欄格之下依靈寶下元大謝脩齋立直燒香
然燈照耀諸天三日三夜各六時行道懺謝
某家億會萬祖父母伯叔兄弟先亡後死无
鞅數劫億宗以來逮及某身所行罪負存亡
咎蒙披露丹赤至心稽顙願上請天仙兵馬
九億萬騎地仙兵馬九億萬騎飛仙兵馬九
億萬騎神仙兵馬九億萬騎星宿兵馬九億
萬騎九宮兵馬九億萬騎五嶽兵馬各九億

萬騎三河四海兵馬各九億萬騎三十二天
監齋直事三十二人侍香金童三十二人散
華玉女三十二人五帝直符各三十二人傳
言奏事飛龍騎吏等一合來下監臨齋堂檢
香願念應口上徹須行道事竟有勤謁功仙
官願功曹官屬功曹使者飛龍騎吏分別關
奏以時上達列啓事竟各還臣等身中復於
宮室須召又到一如故事鳴鼓三通
次第一上香
係天師某治祭酒太上靈寶无上三洞法師
某嶽先生臣某等上啓
虛无自然元始天尊无極大道太上老君高
上玉皇十方已得道大聖衆至真諸君丈人
三十二天帝玉虛上帝玉帝大帝東華南極
西靈北真玄都玉京金闕七寶玄臺紫微上
宮靈寶至真明皇道君玄中大法師天師君
臣等宿世緣會生遭道教蒙師真所見啓
拔開道膺骸參以經法過太之恩實在罔極
受法之日與三官有誓要當竭盡軀命輸效
筋骨奉宣大化質對幽冥輔助師老救濟一

切謹有於此讀辭臣等謹相薦率為承天

師旨教建議塗炭束縛骸骨銜髮泥額五心

塗地於欄格之下伏靈寶下元大謝清齋燒

香晝夜六時行道為其首謝億曾萬祖父母

伯叔兄弟无軟數劫億宗以來逮及本身家

門大小前身今生積行所犯天所不原地所

不赦人所不哀鬼所不放億罪先過觸犯三

元百八十條律三官九府百二十曹陰陽水

火左右中官考吏之罪今故燒香願以是功

德為其家億曾萬祖父母先亡後死亡父母

等免脫憂苦上昇天堂分福南宮歸身歸神

歸命大道臣等首體投地歸命

太上三尊願以是功德歸流其億曾萬祖父

母先亡後死乞免離十苦八難上登天堂衣

食自然常居无為今故燒香自歸師尊大聖

眾至真之德得道之後昇入无為與道合真

次第二上香祝曰

臣等謹重燒香願以是功德為

帝王國主君臣吏民臣等受道法師父母尊

親同學門人諸隱居山林學真道士及諸賢

者願各得其道歸身歸神歸命大道臣等首
體投地歸命

太上三尊願以是功德歸流

帝王國主君臣吏民臣等受道法師父母尊

親同學諸道士賢者願免離十苦八難各保

福祚終入无為今故燒香自歸師尊大聖眾

至真之德得道之後昇入无形與道合真

次第三上香祝曰

臣等謹重燒香願以是功德歸流其身及家

門宗室九親姻族國中吏民諸官祭酒天下

人民及蝗飛蠕動致行喘息一切眾生歸身

歸神歸命大道臣等首體投地歸命

太上三尊願以是功德歸流其家使灾消禍

散福慶來生宅舍寧吉門戶興隆令其身得

仙度昇入无為與四大合德家門大小天下

民人蝗飛蠕動一切眾生並得免離十苦八

難五毒水火賊疫鬼害眾危各保福祿安居

无為今故燒香自歸師尊大聖眾至真之德

得道之後昇入无形與道合真

次禮十方懺文

東方 南方 西方 北方

東北方 東南方 西南方 西北方

上方 下方

謹有男官祭酒某甲家操墨辭稱比年以來

為居不利所向乖意疾病相逐懼恐存亡殃

咎事結玄司厄運交會不蒙免度臣等謹依

靈寶下元塗炭謝法露身中壇稽顙乞哀特

乞大慈開宥之恩原赦其身及億曾萬祖父

母伯叔兄弟家門大小前生以來逮至今日

所行所犯不敬大聖尊神日月星宿四時五

行師父尊長五嶽四瀆三河四海諸真神仙

玉女三界地祇三官九署一切神明无億醜

惡无量大罪欺師罔道穢藉天經貪利入身

私相教授五帝无盟謀圖反逆執行不忠不

慈不孝不愛不仁上逆君父下殺眾生掠奪

人物姪犯他妻嫉妬勝已爭競功名口是心

非攻擊賢人飲酒食肉濁注五神罵詈咒詛

自作无端八齋吉日喜怒无常輕孤寡棄棄

薄老人凌踐貧窮迷寵彊諸如此罪不可

稱計乞令燒香悔謝並蒙釋散賜與更始其

身及億曾萬祖幽塗死塊開諸光明咸蒙解脫轉入信根去離五道開度因緣死者長樂生世蒙恩其業考釋散請罰除滅乙削罪錄右宮黑籍度名左府青錄之中道氣覆蓋神明佑護轉禍為福反凶成吉攘灾却害誅滅鬼賊真氣降流溫潤骨節調和五藏宣理百脉使所苦除差衆治獲力增光附瀾安定精神生活保全永荷通息

次禮四方儀文

西方 北方 東方 南方
謹為男官祭酒某甲家建齋行道請福消灾懺悔存亡罪結一切和釋道氣覆蓋幽顯開濟人口安休尊卑萬福門戶清茂福祚所歸常居吉慶善緣悉會不墜三惡所願者合吹存思命魔步虛三首禮經如法

吹書則向西夜則向吐各散髮泥頭衆官復立各稱位號

係天師兼治祭酒太上靈寶无上三洞弟子奉行靈寶法事兼獻先生 某甲上啟

上下中央四面八方太上元為大道諸君文

人至大至尊无上元頂无極无窮普照普察无量洞明最上至真无鞅數重道氣元始元先寥廓无端混沌无形虚无自然太上元根冥寂玄通大智慧源正一盟威太上元為大道道中之道神明君无上元初萬億數无鞅數衆道德諸君丈人太上道德君道德丈人无上萬元君萬元丈人无上萬福君萬福丈人无上萬氣君萬氣丈人溟滓天神諸君丈人玄元老君太清玄元无上三天无極大道无上丈人太上三氣君三氣丈人太上老君太上丈人太玄上一君太玄丈人中黄正一君中黄丈人太元君太元丈人太始君太始丈人太初君太初丈人太素君太素丈人太虛君太虛丈人太真君太真丈人太一君太一丈人太儀君太儀丈人太平君太平丈人太淵君太淵丈人天帝君天帝丈人九老仙都君九天仙都丈人玉曆君玉曆丈人九氣君九氣丈人等百千萬億億萬億无鞅數萬重道氣君道氣丈人千二百官君千二百官丈人太清玉陛下

太上玉真君玉真丈人五仙君五仙丈人九靈君九靈丈人太清十二真君十二真丈人二十四神人君二十四神丈人太清三十六真君三十六真丈人五氣君五氣丈人陰陽生氣君陰陽生氣丈人五氣符契諸君丈人慈父聖母上上太一君上上太一丈人皇天上帝无極太上元君太上元君丈人太一君太一丈人神寶君神寶丈人真寶君真寶丈人天寶君天寶丈人靈寶君靈寶丈人元神君元神丈人元真君元真丈人元靈君元靈丈人太上高皇帝玉神氣都官考行狀六賈六直六忠六樸六端六懸等二十四官三十六神天皇老君天皇老丈人南極老君南極丈人黃神老君黃神丈人黃老君黃老丈人太和君太和丈人太上皇真道君諸君丈人天師女師^九嗣師女師^十係師女師^{十一}三師君門下典者諸官君將吏監察五氣君萬道父母萬氣父母萬德父母天地父母神仙所出仙聖所聚東王父西王母日君月夫人衆仙天官大神等^{十二}等宿世緣會得道造化課

蒙師真所見啟拔開導廣啟參以經法過太之恩實在閣極受法之日與三官有誓要當竭盡軀命輪效筋骨奉宣大化實對幽冥輔助師老救濟一切謹有於此請詞按如兼辭言款事切實可哀懇且等既叨忝大兼職在扶掖不勝所見謹相携率為其承天師旨教建議塗炭束縛骸骨銜髮泥顛五心塗地於欄柵之下依憲寶下元大謝清齋燒香晝夜六時行道為其首謝億曹萬祖父母伯叔兄弟无鞅數劫億宗以來逮及其身家門大小前身今生積行所犯天所不原地所不赦人所不哀鬼所不放億罪兆過觸犯三元百八十條律三官九府百二十曹陰陽水火左右中官考吏之罪解釋厄運過度災難披心露肝不敢虛餘恩惟

殃積連並乞消滅塚墓安穩禍害不生乞先亡後死怨魂苦業咸受福樂其業考釋散謫罰除滅乞削罪錄右宮黑簿度名左府青錄之中道氣覆蓋神明祐護轉禍為福及凶成吉禳災却害度脫厄難徹滅短算著名長曆家門眷屬厄過病愈咸保萬福瘟癘鬼魔百毒千災驅逐八表門戶興成萬善所歸存亡休泰仰荷道恩畢法師上香向東立次說十二念願畢復爐香官使者左右龍虎君侍香諸靈官當令露壇之上自然生金液丹碧芝英百靈交會在此香火之前願皇帝萬福天下蒙恩十方金童玉女侍衛香烟傳奏臣等所言徑御太上无極大道玉帝凡前齋竟高功法師向東各鳴天鼓二十四通各稱名位太上靈寶无上洞玄弟子奉行靈寶法師臣某甲等稽首再拜上啟

太上无極大道太上大道君太上老君太上丈人无上玄老十方无極大道道德聖天尊至真大帝天帝天師君靈寶監齋大法師日等素出凡愚不以穢賤好道樂仙謬受法任得騰景九玄志竭愚短自效毛髮謹有同法男女官某甲操辭自列投誠歸命告於日等求乞救理臣等謹相携率登以今月日寅時於此某郡縣里中承天師旨教建議塗炭謝法露身中壇行靈寶下元大謝清齋燒香誦經思神念真三日三夜各六時行道託某月某日丑時修行事竟所啟上請天仙地仙飛仙真人神人日月星宿九宮五帝三河四海五嶽四瀆神仙兵馬各九億萬騎監齋直事侍經侍香金童玉女監齋眾真靈寶官屬傳言奏事飛龍騎吏等四方監察真官靈仙謁還真官進品上仙加爵帝秩隨品署真當如太真之儀令日等行道得道求仙得仙今日等分形變化七十四方三元下降皆致綠輶飛行上清騰景九天日月同暉三寶齋輪帷蒙至真鑒映丹情臣等學法未備俯仰

之格齊法難精不合儀式進止犯科為四司
所糾五帝所執千愆萬罪乞蒙矜赦東原未
悟不見罪罰臣等身中五體真官隨功上詣
玄都受秩事竟各還臣等身中與臣等同昇
飛行太空謹上啟聞伏須告報臣等誠惶
誠恐稽首頓首再拜以聞

无上秘要卷之五十

无上秘要卷之五十一

盟真齋品

太上大道君前進作禮上白

天尊今日侍座得見諸天童子受諸威光
明普照諸天福堂及无極世界地獄之中善
惡報應善樂不同善者歡泰逍遙无窮惡者
塗炭流曳八難无復身形甚可哀傷凡如此
之輩受惡因緣億劫長對不識命根不審可
有功德拔贖開度死魂長夜九幽之中身入
光明更生福門如蒙慈愍生死荷恩亡者歡
樂見世興隆富貴昌盛壽命長久則雲陸八
遐風灑蘭林來生男女得聞法音唯願
天尊分別解說授以訣言令眾見明
天尊告
太上道君諦聽吾言善思善識封於中心晨
夜存念慎勿使忘言吾今為汝解說妙音可
得依用拔贖罪魂開出長夜九幽八難宿對
披散轉入信根生死懼樂世世因緣其法高
妙四萬劫一傳世有賢明普而告焉密則降
福泄則禍臻風刀之戒出於盟真違科紀律

此四

勿慈諸天於是

天尊命飛天神人說罪福緣對拔度上品宮
說經時諸天日月星宿朗曜普照九地无極
世界長夜之府九幽之中長徒餓鬼責殺死
魂身受光明普見命根於是自悟一時回心
咸使思善念還福門五善解脫三塗蒙還宿
對解釋地獄寧闕是時男女普聞法音豫以
有心悉得神仙
飛天神人曰九幽玉匱拔度死魂罪對上品
常以正月三月五月七月九月十一月一年
六齋月一日八日十四日十五日十八日二
十三日二十四日二十八日二十九日三十
日一月合十日及八節日甲子日庚申日於
家中庭安一長燈令高九尺於一燈上然九
燈大令光明上照九玄諸天福堂下照九
地无極世界長夜之中依威儀舊法關啓上
請天仙地仙真人飛仙日月星宿九宮五帝
五嶽三河四海兵馬各九億萬騎三十二人
散華玉女三十二人五帝直符等各三十二
人傳言奏事飛龍騎吏等一合來下監臨齋